

الانتحار تحت عجلات المترو .. " ولا تقتلوا أنفسكم " .. أسهل الطرق للانتحار .. وأنا بقولك مش هتنتحر !!

حازم شومان

ان الحمد لله نحمده ونستعين به ونستهديه ونستغفره وننعوا بالله من شرور انفسنا ومن سيئات اعمالنا. وننعوا بالله من شرور انفسنا
ومن سيئات اعمالنا انه من يهده الله فلا مضل له. ومن يضل فلن تجد له هاديا مرشدا. يا - 00:00:00

ايها الذين امنوا اتقوا الله حق تقاته. ولا تموتن الا وانت مسلمون. يا ايها الناس اتقوا ربكم الذي خلقكم من نفس واحدة وخلق منها
زوجها وبث منها رجالا كثيرا ونساء - 00:00:30

واتقوا الله الذي تساءلون به والارحام. ان الله كان عليكم رقيبا. يا ايها الذين امنوا اتقوا الله وقولوا قولوا سديدا. يصلح لكم اعمالكم.
ويغفر لكم ذنوبكم. ومن يطع الله ورسوله فقد فاز فوزا عظيما. اللهم صل على الحبيب محمد وعلى ازواجها امهات المؤمنين. وعلى
ذربي وال بنته - 00:00:50

انك حميد مجيد. اما بعد اخواني واحبابي في الله. اخواني واحبابي في الله. يعني فوجئنا كلنا بشاب من الشباب وفتاة من الفتاة
ويعني وتكررت الحلقة بيلقي نفسه تحت عجلات المترو. واحد وهو في مقتبل الشباب. او بنت وهي في مقتبل العمر وال عمر - 00:01:20

والمفروض ان الشاب في السن ده بيقعد يحلم قبل ما بينام ساعتين ثلاثة احلام يقظة هتجوز مين وهسكن فين وهشتغل ايه
ومستقبلي هيبقى ايه شاب في المرحلة دي يقرر في لحظة ان هو بایده يرمي نفسه تحت عجلات مترو عشان يموت موتة رهيبة - 00:01:40

ليه؟ ايه اللي يوصل شاب للمرحلة دي؟ ايه اللي يخلي بنت ترمي نفسها تحت عجلات القطر؟ اللي يخلي واحد يشنق نفسه في بيته.
اللي يخلي واحد يرمي نفسه من فوق او يكب على نفسه جاز ويولع في نفسه والعياذ بالله. نسأل الله حسن الخاتمة. ايه اللي يخلي
واحد يعمل في نفسه كده - 00:02:00

او بنت في سانوي تعمل في نفسها كده او شاب في اعدادي او في سانوي ايه اللي يخلي انسان يعمل في نفسه كده؟ اخواني في
الله. لما بدأت اتبع حالات الانتحار - 00:02:20

فوجئت ان الموضوع بقى متواли. اللي جوزها عنده فشل كلوي ومش لاقية تأكل. شربت حاجة سمتها شربة سم وقتلت نفسها واللي
ابنه عنده سلطان ومش لاقي يعالجها وما عهوش فلوس. انتحر وقتل نفسه. واللي ابوها وامها اطلقوا وهي بنت عندها ستة شهرين سنة.
رمت نفسها - 00:02:30

تحت عجلات القطر واللي بقى عندها تلاتين سنة وما اتجوزتش ولعث في نفسها وقتلت نفسها وغضت على نفسها وعاشرت ربه
بنفسها واللي عنده مشكلة مادية ومرانه سابته. وطلبت الطلاق لانه مش لاقي يصرف على بيته. ورمى نفسه من من شاهق. واللي
عنه - 00:02:50

مشكلة واللي شافت اخواتها بيتشاركلوا مع بعض راحة رمت نفسها تحت قطر. واللي واللي والموضوع بقى بيتواли يا اخواني في الله.
لما الواحد بدأ يتصدى للزاهدة ديت انا فاكر اول مرة في حياتي شفت فيها حالة انتحار كنت طالب في رابعة كلية. وكنا في الطبع
الشرعى بندرس الطبع الشرعى في السنة ديت. وانا لست طالب في رابعة - 00:03:10

الكلية اول مرة في حياتي اشوف واحدة طعنت نفسها بسكينة في قلبها وقتلت نفسها كان وقتها الموضوع ده نادر الموضوع دلوقتي
ما عدش قادر. وفيه ناس بتشتكي من الخواطر الانتحارية. انا بييجي لي افكار. انا بييجي لي خواطر. انا نفسيني انا انا بييجي لي نوازع
او دوافع - 00:03:30

كان الموضوع نادر. الوقت الموضوع ما عدش نادر. الموضوع بقى موجود. وبقى له نسبة. مسجلة في بلادنا ومسجلة في العالم كله. يا
ترى ليه؟ يا ترى ليه زمان كان الواحد يعني معلوماتنا كلنا العامة ان بسبب الاتصال ب بسبب الالام النفسية لما تتابع بعد كل القصص اللي
- 00:03:50

الواحد شافها ووقدت تحت ايده الفترة اللي فاتت وان الواحد شاف اصحابها بنفسه. وهو رايحين فرح من الافراح. فرح من الافراح
رایح لقيت فجأة ميتم بقول لهم في ايه؟ يعني الناس متصلين بي عشان فرح. قالوا لي بنت في سانوية عامة. الشاب اللي بتحبه
اتقدم لها ابوها رفض - 00:04:10

قتلت نفسها واتقلب الفرح ميتم. وانا مع مجموعة من الشباب بنتكلم عن ربنا على قفين من الكافيهات. لقيت واحد بيقول صاحبي
انتحر ليه البنت اللي بيحبها سابته واحد تاني انتحر ليه ابوه خد منه الموبايل والموبايل ده كان بالنسبة له حياته. هو اللي بيحصل
- 00:04:30

ده ايه؟ اللي بيحصل ده ان الاعلام بيضفي جو بطولي مسلا على اللي بيتحتر ويحكى قصة درامية فيه الموضوع اكتر من كده. امال
الموضوع ايه لما تيجي تبص لقصص الانتحار تلاقي ان تسعين في المية منها ما عادتش اكتئاب والام نفسية. دي عادة ضغوط حياتية.
دي عادة فقر - 00:04:50

ومرض دي عادة مشاكل اجتماعية وحياتية واقتصادية. بتؤدي الى عدم القدرة على التحمل. وتؤدي الى لحزة سواد الواحد بيدخل
في لحزة خلاص اسودت ومش هتببض تاني وربنا مش هي عمل لي حاجة وربنا ما اناش مستنى ان هو يغير لي - 00:05:10
فيه حاجة من اللي بتحصل دي خلاص السواد اللي انا فيه ده مش هيخلص. السواد اللي انا فيه ده مش هيتهي. ما فيش حاجة انا
مستنى انها تحصل وما فيش - 00:05:30

حاجة تحصل لما بتوصل النفسية للحزة اليأس. لحزة ان ما فيش فرج من عند ربنا جاي. ان ما فيش اي حاجة هتغير الحال اللي احنا
فيه. ان هنفضل فيه على طول. طب العزاب ده اخلص منه ازاي؟ يقوم رامي نفسه في اول وسيلة. شنق حرق سررمي نفس من فوق
- 00:05:40

رمي نفسه تحت قطر او تحت مترو. ايا ما كانت الوسيلة وهو يظن انه بيتخلص من هزا العذاب وبيرتاح. ومش عارف ان فيه عزاب
اشد منه بالله. ومش عارف ان الناس اللي هو بيوصل لهم رسالة انا لازم اعيشكم الالم اللي انا عشت. لان ما حدش حس بي وانا بتتألم
- 00:06:00

ما حدش فيهم الدنيا هتكلم زي ما هي عادي. ومسيرة الحياة هتفضل زي ما هي عادي. والخسران الوحيد هو. الخسران الوحيد هو
اللي قام بهذا الامر للأسف الشديد لقيت ان تسعين في المية من حالات الانتحار هي نقطة ان الواحد وصل لدرجة اليأس وان ما فيش
حاجة - 00:06:20

اتغير وان الضغط والفقير والمرض والمشاكل والضغوط والهم اللي انا بنام فيه واصحي فيه لن خلاص واحد وصل للحالة دي هيقدر
يعيش ازاي؟ واحد وصل للإيأس ده هيقدر يعيش ازاي ويبيجي هنا الدور الخطير - 00:06:40
الشاب وهو في اللحظات الرهيبة ديت ما بين ضعف ايمان ويأس من رحمة ربنا والعياذ بالله. وما بين وضع رهيب وظروف رهيبة
يجي يبص على الاعلام ويجي يبص على القنوات. شف شف آآشف اللعيب ده اللي بيأخذ آآحارس المرمى بتاع بيراميدز اللي
في ست شهور - 00:07:00

تمانين مليون جنيه. تمانين مليون جنيه! ده انا مش لاقى اكل. ده انا نفسى في عيش وجينة اكلهم. ده انا نفسى اتجوز شاب قابله
على قهوة. بيقول لي انا هعمل ايه؟ انا جيت احسب عشان اتجوز عايز اشتغل عشر سنين بمرتب اضعاف المرتب اللي انا اصلا قدامي

في الشغل. اشتغل ليه - 00:07:20

خلاص انا بشتغل على قد جرعة المخدرات. واضرب جرعة المخدرات عشان اتوه عن الواقع اللي انا فيه وخلاص. تخيل بقى واحد زي ده قاعد يتفرج بقى شف شف اللاند كروزر الخاطئ شف الفيلا بتاعة الامير فلان شوفوا زوجات رجال الاعمال شكلهم ايه شوفوا شوفوا الفدانا العالمية اللي اتجوزت من المغني - 00:07:40

الكلام الفلاني شف صورتهم وهم عند قصر الاليزيه بيتصوروا. شف آآ شوفي كده! شوفي الفاشونيستا الجميلة دي! شوفي البنت الفاتنة دي وهي ممكن تكون مستوى جمالها يعني مش مستوى ده خالص. وعدى التلاتين وما حدش اتقدم لها. وابوها فقير. وما هيشر عارفة تعمل ايه - 00:08:00

مش لاقية شغل يبدأ الشاب يبص شف شف محمد صلاح مليون جنيه في اليوم دخله الهضبة دخله في السنة ستة وثمانين مليون جنيه. ده خد في الحفلة اتنين مليون جنيه في اربع ساعات في اربع ساعات. اتنين مليون. اتنين مليون. طب انا انا مش عارف الاقي شغلانة بخمس تلاف جنيه. عشان الاقي قوت بس - 00:08:20

طب اعمل ايه ؟ يبدأ الاعلام اعلام الاثارة للناراة. الاعلام اللي مش قضيته انه يبني ولا ينور للناس حياتها. ولا يفهم الناس ازاي ؟ اللي كل قضيته الاثارة، الاسارة بالجنس ماشي. الاسارة بمنازر الدم والحرق ماشي. الاسارة - 00:08:40

اخبار الانتحار نفسها اللي من اسباب انتشار الانتحار. لانهم بيظفوا صبغة غامضة. والشباب في مقتبل عمره. فيه شباب بيتأسر بالشكل ده المهم الاثارة. المهم المشاهدات. المهم عدد الفولورز. المهم الفيورز. المهم اسارة اسارة - 00:09:00

ما فيش انارة الشاب يجتمع عليه السالوس الاسود. السالوس الاسود اللي احد زوايده ضعف الایمان والاحساس باليأس. وان ربنا مش هي عمل لي حاجة هو مش فاهم. مش فاهم هو ما حصلوش حاجة ليه! مش فاهم انه مش عارف يقف على باب ربنا. اليأس من رحمة الله والعياز بالله. الركن - 00:09:20

الثاني وحجر الزاوية الثاني في السالوس الاسود الواقع الرهيب. والضغط المالية والمستقبل اللي ما فيش فيه اي ملامح الركن الثالث الاعلام المسير. الاعلام المهييج للمشاعر. وبعد كده الشاب يلاقي رجليه حافي على الارض زي ما هو - 00:09:40

الفانوس الاسود يجتمع الشاب بقى يروح يرمي نفسه تحت مترو يروح يرمي نفسه تحت قطر يروح يولع في نفسه ويكتب على نفسه جاز يروح يشرب صم يروح يرمي نفسه من دور عالي. ما تسألش بقى اللي هيحصل بعد كده ايه؟ لان المقومات كلها بتؤدي لده. اخوان واحدة اللي في الله - 00:10:00

لمازا اتكلم عن موضوع الانتحار؟ انا باتكلم عن الموضوع ده الوقتي ليه ؟ لان لما جه عاشوراء عاشوراء يوم الخميس الجاي بازن الله سبحانه وتعالى. عاشوراء يوم عاشوراء ده دايما كل سنة الواحد يفتكر فيه الامل الرهيب منصر الامل الجبار منز بحس ان عاشوراء ده بيتكلم - 00:10:20

بحس ان عاشوراء ده اعلام لوحده بيتحدس للامة وبيروم اوعوا تيأسوا. اوعوا تيأسوا لما تشووفوا اللي بيحصل في سوريا. اوعوا تيأسوا لما تشووفوا الاطفال اللي تحت الانقضاض. اوعوا تيأسوا لما تشووفوا اللي بيحصل في فلسطين. اوعوا تيأسوا. لما تشووفوا الزروف اللي بقى المسلمين فيها. والزلم اللي بقى - 00:10:40

من فيه اوعوا تيأسوا يوم عاشوراء ده اخطر احداث في الدنيا حصلت فيه. اليوم اللي ربنا شق فيه البحر الاحمر لموسى. يعني في لحظات بعد شروق الشمس وسيدنا موسى يعني ربنا امره من قبلها بالليل ان هو ياخذبني اسرائيل ويخرج وفرعون يعرف وفرعون يلاقيها - 00:11:00

فرصة لدبحبني اسرائيل والخلاص من الملف ده نهائيا ما يجريش ورا موسى. ارسل فرعون في المداين حاشرين. ان هؤلاء قليلون. الكل مهدد والكل في خطر. والشرمذنة ديت بتهددنا كلنا. ويحشد فرعون. كل القوة بتاعته ويخرج - 00:11:20

ورا موسى فاتبعوهم مشرقين. حتى ايه ؟ فلما ترائي الجماعن اول ما الجماعن شافوا بعض. اول ما موسى واللي معه شافوا خطر وسيوف جنود فرعون. اول ما الشاب بي Shawf البطالة بترفع السيف بتاعها عليه. اول ما البنت بت Shawf العنوسه بترفع السيف بتاعها

عليها. اول - 00:11:40

والواحد في المجتمع بيلامي وزيفته بتخسر. ومهدد بالفقر ومهدد بفقد كل شيء. ومهدد انه ما يعرفش يصرف على بيته عليه الصلاة والسلام نايم واحد اعرابي خد السيف بتاعي وقال له يا محمد من يمنعك مني؟ هدبيك يا محمد يا ابن عبد الله عليه الصلاة والسلام السيف في ايدي - 00:12:00

وانت نايم على الارض وكل صحابتك مش معك الوقت نايمين بعد الغزوة اللي انت خارجين منها. مين اللي يقدر يحميك مني؟ بيعمل حركة استعراضية قبل ما يقتل النبي عليه الصلاة والسلام زي لعيب الكورة اللي عدى من الفريق كله ومن حارس المرمى وما رضاش يحط الجون. واقف قدام الجون بقى مين اللي يقدر يمنعني ان انا - 00:12:20

الجون ده ، هاجبيه قدام عينيكم كلكم، وما حدش عارف يعمل لي حاجة. يا محمد، من يمنعك مني؟ فوجئ ان النبي، عليه الصلاة والسلام، هو لسة صاحي من النوم الله الله الله! فسقط السيف من يد الرجل. النبي عليه الصلاة والسلام خد السيف. وقال له وانت من يمنعك - 00:12:40

ثم عفا عنه النبي عليه الصلاة والسلام. لما البطالة ترفع سيفها على شاب وتقول له من يمنعك مني؟ لما الطرد من شغل لما مرض سرطان وغيره يرفع السيف على بنت في الشباب او اي واحد ويقول له من يمنعك مني؟ من يمنعك مني؟ عندنا يقين كلمة الله -

00:13:00

عندنا يقين اللجوء الى الله. سيدنا موسى واقف قدامه قدام البحر. طرائق جمعان. كل الحسابات انتهت. كل الحسابات البشرية عجزت احنا مدبوحين مدبوحين. البحر الاحمر هيبقى بجد لونها احمر من دم موسى وكل اللي معه. تراعي الجماعان وسيوف فرعون بارد. قال - 00:13:20

اصحاب موسى انا لمدركون. الحسابات البشرية كلها بتقول ان احنا مقتولين مقتولين. قال كلا لا يمكن ده يحصل. لا يمكن ليه يا موسى معك اف ستاشر هتضربهم بها؟ لا معك جيش تاني مخبيه لا معك قنبلة نووية او قنبلة هيدروجينية هتواجهم بها لا. اومال - 00:13:40

معك ايه؟ انا معي ربى سيهدين. انا معي ربنا. الاحساس ده لما بييجي في صدري اي انسان. احساس الامل الرهيب ان ربنا مش هيسيبيك. ان ربنا مش هيتخلى عنك. انت وقفت على بابه وربك - 00:14:00

امتنى توسلت اليه وربنا ما ادكش ؟ امتنى ؟ والله العظيم انا اعرف واحد جه وقال كنت مع بعض اخوانى. ادعوا لي بقى لي عشر سنين ما باختلفش. عشر سنين منهم ما اتجوزش. واحد من اللي واقفين رفع ايد وقال اللهم ارزقه الذرية. اقسم بالله رزق بالذرية - 00:14:16

في نفس الشهر في نفس الشهر انا اعرف واحد كان عنده مرض عضال عضال وكنا في عمرة وهو بيطوف وبيدعني ربنا والله شفاه الله وهو في الطواف. اعرف واحد وهو يعني والله وكان مرض تاني شديد جدا. وهو ساجد وانا اعرف هزا الشخص. وهو - 00:14:36 وساجد في بيته. قال يا رب ما ارفع راسي من السجدة دي الا وانت شافيني. والله شفي قبل ان يرفع رأسه. اعرف واحد والله وهو بيصللي ركعتين لله سبحانه وتعالى ورفع ايده وتسل الى الله وكان واقع فيه ازمة جبارة والله فرج الله عنه قبل ان يخرج -

00:14:56

وده الركعتين ربنا هو امتنى وقفنا على باب ربنا وربنا رددنا؟ امتنى قلنا يا رب وربنا ما ادناش؟ امتنى توجهنا الى الله؟ وربنا ما فرجش الكرب بدل ما ارمي نفسي تحت عجل المترو. طب ما ارمي نفسي على باب ربنا. واسوف كده ربنا هيعمل لي ايه. واسوف كده ربنا سبحانه وتعالى هيغير لي ايه - 00:15:16

واحد في يوم عاشوراء يوم الابل يوم شق البحر الموسى. يوم هلاك فرعون. الله الله سبحانه وتعالى الجاموسه وموسى رضيع ورمي في الماء لوحده. ربنا نجاه وهو رضيع لا يملك شيء. وفرعون وهو وسط جنوده - 00:15:36 وجيوش ربنا اغرقه وهو وسط الجنود بتاعته كلها. الموضوع مش الاسباب. الموضوع مش في ايدي اسباب قد ايه. الموضوع ربنا

معك ولا مش معك؟ الموضوع ربنا لو معك لا يمكن هيسيبيك. ولا يمكن هيتخلى عنك قضية الامل. قضية الامل اللي - 00:15:56
خمنت خمنت عند ناس كتير. ما حدش عنده احساس الامل الرهيب. احساس الثقة الرهيبة هو اللي بيتحرر بيتحر ليه؟ اللي بيتحر
يا جماعة ما ليش دعوة بمرض اكتئاب والام الاكتئاب. اسأل الله ان يعافي كل مريض نفسي. اسأل الله ان يعافي كل مريض نفسي.
الخطبة دي انا باتكلم عن التسعين في المية من حالات الانتحار اللي بسبب - 00:16:16

اليأس من ضغوط الحياة. مش باتكلم على عشرة في المية اللي بسبب الاكتئاب واللام النفسية. دي قصة تانية وكلام تاني وله موطن
تاني. انا باتكلم على اللي بسبب الضغط الفقر ان ما اتجوزتش ابوه وامه اطلقوا اخواتها مزالينها الفقر - 00:16:36
مراته سابته خطبته سابته. انا باتكلم عن ده. اللي بسبب الضغوط. اربع اسباب. اربع اسباب بتؤدي الى ان انسان يتحرر. الاحساس
الاول اللي بيوصل للانتحار. احساس ما فيش امل. خلاص. السواد ده مش هيتغير. السواد اللي انا فيه ده ما فيش بعده - 00:16:56
اي افراد اليأس الكامل من من الفقر يتغير او ان المرض يزول او ان الازمة دي تفرج. الاحساس الثاني بعد احساس ان ما فيش امل
احساس كل شيء انتهى. خلاص زي الشاب اللي ابوه خد الموبايل منه. هو الموبايل ده كان حياته. انت بالنسبة لك هو ايه الهايفا دي!
موبايل - 00:17:16

هو بالنسبة له الموبايل ده زي ما انت بالنسبة لك مسلا اللي انت عايز تتجوزها كده او زي ما انت بالنسبة لك مسلا الوزيفة اللي انت
عايز تاخدها وبالنسبة له ده حياتك - 00:17:36

البنت اللي رحنا الفرح لقيناه اتقلب ميتم لانها انتحرت لما الشاب ابوها رفضه هي بالنسبة لها الشاب ده هو الدنيا. فلما ده راح كل شيء
انتهى. خلاص كل حاجة حلوة راحت. الاحساس الثالث اللي بيؤدي للانتحار. احساس انا لازم اعيشكم. نفس الالم - 00:17:46
انا عشت انا عشت الام رهيبة وعشت حرمان وعشت ضغط وكل اللي حواليا كله بيستهتر بي. بس رح صل ركعتين وربنا يفرجها. بس
يا عم بطل شكوى بقى. انت طول ما انت ماشي رايح تشتكى. يا عم انت ربنا اداك نعم كتير. ما تبص طب انت عيشتوني الام. وانا -
00:18:06

ما حدش حس بي انا هاقتل نفسي قتلة. هاخليكم طول عمركم قلبكم متقطع نفس الالم. هو متهدأ له كده. هو مش عارف ان الحياة
هتمشي من بعده زي ما كانت من قبله هو مش عارف ان هو الوحيد الخسaran في المعادلة دي. انا هشكو الالم زي بنتي كلية من كليات
القمة عندنا في جامعة المنصورة جت في الدور - 00:18:26

رابع في وسط الكلية وقامت رامية نفسها وسط اصحابها. دايما اللي بيموت نفسه عشان الدافع ده بيموت نفسه قدام الناس. ده مش
بيشنق نفسه في بيت ده مش مهم نفسه من بلكونة. ده يقوم جاي قدام قطر ورامي نفسه. او قدام مترو ورامي نفسه. او في وسط
كلية اصحابه كده ويقوم رامي نفسه. ليه؟ انا لازم - 00:18:46

كل دول اللي انا عشته. ده بيساوي كل سواسي. احساس ان لازم الناس دي كلها تتألم عشانى. احساسى اني ما اتألموش عشانى
وانا فانا هدفعهم التمن. الاحساس الرابع اللي بيؤدي للانتحار. احساس فقد المعنى. ان ما عدش فيه معنى. وده اللي بيفسر انتحار
الاغنيا. وانتحار الدول - 00:19:06

واحد مليونير لو ما اشتغلش بياخد مرتب من الحكومة ولو اشتغل بياخد مرتبك. واحد ما عندهش اي مشكلة في حياته اصلا. واحد
بيفتح الشباك ويترفج وجع التلج وهو نازل كده والتكيفات مخلية عايش في جنة اصلا. في جو جنة وهو قاعد. هو ده مشكلته ايه
في الحياة اصلا؟ ده ما عندهش مشكلة. ده - 00:19:26

الناس الحكومات بتاعتهم بتصرف لهم مخدرات. زي التموين الشهري عندنا كده بيتصرف لهم جرعة من المخدرات والمهدات. هو ده
مشكلته ايه؟ ده مشكلته سوء فقد المعنى ان هو لما فقد ايمانه بالله. ما حدش في معنى الحاجة. هو ايه معنى الفلوس اصلا؟ هو ايه
معنى الحياة؟ هو ايه معنى السعادة؟ هو ايه معنى - 00:19:46

الجواز هو ايه معنى الخلف لما فقد وجود ايمانه بوجود الله فقط اى معنى للحياة لان عشان كده كبار المتحررين كبار بيتتحروا ليه؟
زي فلان وفلان. عشان كده في الدول الاسكندنافية اعلى انتحار في العالم ليه؟ فقد المعنى. الاحساس ما فيش له جسر - 00:20:06

ما فيش معنى في حياته يحيا اصلا. هو خلاص كل شيء فقد بفقدان اتصاله بالله سبحانه وتعالى جرب كل اسباب السعادة ولسه عش تعيس لان مشكلته انه يؤمن بالله. مش مشكلته ان هو يقع في زنا ولا يتفرج على حاجة وحشة. مشكلته روحه بتصرخ. عايزه -

00:20:26

ارفع ايديك وقل يا رب وانت تنجو من اللي انت فيه. ولكنهم مش مشخصين ده. مش مشخصين كده. الأربع احساس دول. الأربع مشاعر دول هم هو اللي بيخلوا واحد في الآخر ينتحر. هم اللي بيغيرنا احساس ما فيش امل. يا اما احساس كل شيء انتهى. يا اما احساس الالم اللي انا عشته لازم اعيشه لكل اللي حواليا. ما دام ما -

00:20:46

يا اما احساس فقد المعنى بيجي يوم عاشوراء اللي احنا فيه ده يا جماعة اللي احنا جايين عليه. في نهاية الاسبوع اللي بازن الله هبيبدأ غدا ده يوم عاشوراء يقول لك احساس الامل. احساس سيدنا موسى وهو واقف قدام فرعون وهو بيقول كلا ان معندي ربي سيدتين. احساس لما -

00:21:06

ربنا اوحي اليها ان اضرب بعاصك البحر فانسلق فكان كل فرق كالطود العظيم. الانقلاب اللي حصل في الوضع ده لان ربنا قادر. سيدنا موسى ما يقينه في الله. ما فقدس الامل في الله زي سيدنا محمد عليه الصلاة والسلام. احنا دلوقتي في رحلة الهجرة يا جماعة. احنا دلوقتي في ايام الهجرة. النبي عليه الصلاة والسلام طول -

00:21:26

اكره خمسمبت كيلو متر. الجزيرة العربية كلها بتدور عليه حي او ميت. وسرور طائلة اللي يقبض على محمد بن عبدالله. قريش جاية اعظم الراصدین للآثار عشان يجيبيوه. والقبائل كلها بتدور عليه عشان ياخدوا الجايزه. والنبي عليه الصلاة والسلام الرحمة اللي بتاخد اربع تيام خدها في خمستاشر يوم -

00:21:46

عليه الصلاة والسلام عشان يعدي من الجبال ومن الاماكن المهجورة عشان يقدر يوصل. عليه الصلاة والسلام في الرحلة الرهيبة دي. والنبي عليه الصلاة والسلام بيبيص على مكة الوداع بعد ما طاف طواف بيودع فيه الكعبة عشان انت النهاردة تطوف. النبي عليه الصلاة والسلام حرم نفسه من احباب عبادة له على وجه الارض. وهي الطواف -

00:22:06

بيقول لمكة انك لاحب بلاد الله الى الله واحب بلاد الله الى. وربنا ينزل عليك. ان الذي فرض عليك القرآن لرده الى معاد القرآن اللي انت اقترنت بسببه. القرآن اللي انت سبت وطنك بسببه. القرآن اللي انت ازيت بسبب تنفيذه هو اللي هيرجعك تاني -

00:22:26

ملك على البلاد دهيه لرده الى ميعاد يهاجر النبي عليه الصلاة والسلام اربعة وعشرين ساعة من الضهر للظهور لا نوم ولا اكل ولا شرب مشي واصل عكس اتجاه المدينة. عكس في جنوب مكة. عشان يهرب منهم. وبعد كده يلاقي غار ثور. يقعد ثلاث ايام فيه. ثلاث ايام جوة تابوت فرن -

00:22:46

ولع نار ممنوع يخرج ولا يطلع راسه برة. لا هو ولا ابو بكر الصديق. صلى الله على النبي محمد عليه الصلاة والسلام. بعد تلات تيام بيبيص تلاقي الرجلين فوق. يلاقي رجلين المشركين واقفة. ابو بكر يقول له يا رسول الله الرسول عليه الصلاة والسلام منشغل بالذكر. لو نظر احدهم تحت قدميه لرأه -

00:23:06

انا زي ما كانوا بيقبضوا على صدام حسين في العراق كده. لو اللي بيبيص تحت بس في الحفرة اللي هو كان فيها يشوفه. يا رسول الله ده بصلة بس تحت كده احنا خلاص -

00:23:26

خلاص انتهت اخطر لحظة في تاريخ الاسلام كله. واصعب لحظة في تاريخ الاسلام كله هي اللحظة ده ايه؟ وакتر لحظة كان الاسلام مهدد بالخطر فيها. في تاريخ الاسلام كله بصلة لتحت كل شيء انتهى. فاذا باجابة النبي عليه الصلاة والسلام صحيح مسلم اسكت -

00:23:36

ابا بكر اسكت. الكلمة دي ما تقالش. الله اللي من فوق سبع سماوات لن يتركنا. اسكت يا ابا بكر. ما ظنك باثنين؟ الله اه ثالثهما. هو اللي ربنا معه يخاف؟ هو اللي ربنا معه يقلق؟ هو اللي ربنا معه يعيش على مهدئات الا بقى لو مريض وطبيب -

00:23:56

اللي كاتب له الكلام هو اللي ربنا معه. اللي ربنا معه. يعيش في عذاب نفسي. والله سبحانه وتعالى معه. نحن هنا لا نتكلم عن المريض يا جماعة المرض النفسي ده ابتلاء زيه زي كسر الرجلين زي قرحة زي ما المؤمن بيجي له قرحة معدة وممكن رجله تتكسر. كذلك

المؤمن ممکن يجي له مرض نفسه. ما تكلمش - 00:24:16

الامراض النفسيه هنا. انا باتكلم عن المرض النفسي اللي بسبب ضعف الایمان. مش المرض النفسي الابتلاء. الله سبحانه وتعالى ابتلى فلان او فلانة به وده له اجر كالمجاهد في سبيل الله. على صبره عليه. لأن المؤمن لا تصيبه شوكة الا له اجرها عند الله. فاللي -

00:24:36

قاير على الام المرض النفسي ده ربنا يعافي مرضى المسلمين. انا باتكلم عن لضعف الایمان وصله لده. على اللي ضعف ذكر الله وصله لده. اتكلم على ده تلاته تقول عليهم الصخرة. خلاص ميتين لا معهم بلوتوس ولا معهم واي فاي ولا معهم اي سوشيال ميديا. ولا معهم لا سلكي ولا - 00:24:56

ولا معهم تليفون ارضي ولا موبايل. ولا معهم انترنت ولا ايميل. ولا معهم اي وسيلة اتصال بالعالم. هيموتوا هيموتوا. فقال بعض لبعض التلاته عندهم اليقين ده. انه لن ينجيكم مما انت فيه لن يننجيك من الفقر. لن يننجيك من عدم الزواج - 00:25:16

لم يننجيك من المشاكل الطاحنة اللي انت عايش فيها في بيتك واسرتك. لن يننجيك مما انت فيه. الا الله اه فتوسلوا الى الله بصالح اعمالكم. هو ده الحل. الحل. فلولا اذ جاءهم بأمسنا رموا نفسهم تحت المترو - 00:25:36

فلولا اذ جاءهم بأمسنا رمت نفسها تحت القطر. فلولا اذ جاءهم بأمسنا شربت سم ولا ولع في نفسه ولا رمى نفسه من فوق فلولا اذ جاءهم بأمسنا تضرعوا. يبقى لما الابتلاء بيضيق عشان الصراح لربنا يطلع - 00:25:56

فالفرج ينزل. عايزين نفهم الرسائل الربانية. مش عشان نيأس. ربنا قادر على تفريج اي كرب. وربنا قصص فرج واغناء الفقراء وشفاء المرض بالسرطان والفشل الكلوي وكل والعمي واللي عنده ضمور في العصب البصري - 00:26:16

واللي مشلول على كرسي قصص شفاء كل دول كلنا شفناه بعئينا. وكلنا نعرفها وكلنا عيشناها ربنا ياما ورانا رسائل بتورينا فيها قدرته قد ايه واليقيين فيها ولكن احنا عايزين نركز مع ربنا عايزين نركز لأن حكم المنتحر حكم صعب جدا - 00:26:36

قال رسول الله صلى الله عليه وسلم من تردى من تردى ليقتل نفسه. واحد طلع على جبل وقام طلع في الدور العاشر ولا حاجة وقام رامي نفسه. فهو في جهنم يتتردى فيها خالدا مخلدا ابدا - 00:26:56

ومن شرب سما تحسى سما. اللي شرب سما ولا كيروسين ولا جاز عشان يقتل نفسه. فهو في يديه في نار جهنم يتحساه عزابه في النار بالطريقة اللي قتل نفسه بها. لانه قاتل بس قتل نفسه. عجب الله بنفسه فهو في - 00:27:16

في يده في جهنم يتحساه خالدا مخلدا ابدا. ومن قتل نفسه بحديدة مسك حاجة طعن قلبه ولا دبح نفسه ولا قطع عروق ايده زي ما النبي عليه الصلاة والسلام قال عليه الصلاة والسلام في صحيح مسلم ان رجل اتى بمشاكله يعني حاجة زي سكين - 00:27:36

ابو باص فقط بها يده. فظل ينづف حتى مات. فقال الله حرمت عليه الجنة. فقال الله حرمت عليه الجنة ان النبي عليه الصلاة والسلام لما واحد قتل نفسه ايام النبي عليه الصلاة والسلام النبي ما رضاش يصلی عليه. عليه الصلاة والسلام. مش باقول ان المنتحر كافر - 00:27:56

العلماء قالوا ندعوي له بالمغفرة وبالرحمة. ندعوي لهم كلهم. نسأل الله ان يغفر لهم اجمعين. اللهم امين. ولكن النبي ما رضاش يصلی عليه يعني ده معناه ايه؟ ودلتها ايه؟ ومن قتل نفسه بحديدة فهي في يده في نار جهنم يطعن نفسه بها خالد - 00:28:16

اذا مخلدا ابدا وصح عن النبي صلى الله عليه وسلم انه قال من قتل نفسه بشيء عذب به يوم القيمة. وهو بيرمي نفسه او او بيموت نفسه هو باصص على ورا بس. بصش على قدام. هو باصص وراء بس. هو باصص من رجليه على المشكلة اللي هو فيها - 00:28:36

طب انت بترمي نفسك فين؟ ده انت داخل قبر برجليك. ده انت رايح يوم قيامة. انت فاكر انك انت بتخلص من مشكلة عشان ترتاح ده انت بتخلص من مشكلة دنيوية - 00:28:56

رؤيه حقيرة عشان مشكلة اخروية انت جاهز لها ولا مش جاهز لها؟ انت مستعد لها ولا مش مستعد لها؟ انماط يا جماعة على فكرة يا

اخواني على فكرة في نمطين شبه بعض. رغم ان الاثنين اي حد هييفكر لا يمكن يربط بينهم وبين بعض. والاثنين عقلية واحدة. اللي بيتحر لان - 00:29:06

اللي بيحبها او آباوه منفصله او ما اتجوزتش او ظروف اقتصادية اللي بيتحر عشان ضاقت به الدنيا واللي هيوموت على الدنيا ومستعد يدوس اي حاجة تحت رجليه. حتى لو اصحابه حتى لو اي شيء عشان ياخذ الدنيا. الاثنين هيموتوا على الدنيا - 00:29:26

بس ده لما الدنيا راحت تصور ان ما فيش حياة بعدها. وده متصور ان اي حاجة تروح عشان الدنيا ما تروحش منه. ده ما تنش زاهريا ده هيوموت على الدنيا وبيستمتع بها وجري الوحوش عليها. وده رمي الدنيا وقتل نفسه. والاثنين بيفكروا بنفس النقطة - 00:29:46
لو حقرت الدنيا في اعيننا. ولو عظمت الآخرة في اعيننا لما كان هزا. لا مكان هزا. حكم الانتحار. قال تعالى انه لا ييأس من روح الله الا القوم الكافرون. اللي بيتحر ده هييفق بين ايدين ربنا ازاي؟ ده اي وش؟ انا مش بكلم ربنا يدخله - 00:30:06
الجنة ولا النار. يا رب كلهم يغفر لهم. يا رب كلهم يدخلوا الجنة من قلوبنا كلنا. وقلبنا بيتمزق على اي انسان عاش اي لحظة الم. اي ده لو لو مش انسان لو كائن غير عاقل وعايش لحظة الم قلبنا بيتطقطع. انما باي وش هيقابل ربنا؟ لما ربنا يقول له انت مت - 00:30:26
يقول له اصل يا رب انا ما كنتش متخيلا انك انت هتعمل لي حاجة. او المشكلة اللي انا فيها كانت آآقدرتك يا رب ما تجيبيش حلها.
هيقول لربنا ايه - 00:30:46

اي الحاجة اللي يقولها لربنا؟ اي العذر اللي هيقوله ربنا باي وش؟ ده الواحد بيحمل انه يموت موتة يقابل بها ربنا زي عبدالله بن جحش في غزوة احد. اللهم ارزقني اليوم رجلا كافرا شجاعا صنديدا يقتلني. فيبقر بطني ويقطع - 00:30:56
اذني ويجدع انبي فالقاك يا رب بدمي. فتقول عبدي لما فعل بك هزا؟ انت ايه اللي موتك الموتة دي؟ فاقول فيك وفي رسولك يا رب عشان دينك يا رب. عشان النبي عليه الصلاة والسلام هو دافع عنه يا رب. المؤمن بيحمل ولقد كنتم تتمنون الموت. المؤمن بيحمل انه يموت - 00:31:16

ربنا يفرح بها ويحبه. قل ان صلاتي ونسكي. ومحبباني ومماتي لله. المؤمن بيعتبر ان لحظة المتعة عبادة زي ما الحياة عبادة. فعايز يعيش في سبيل الله ويموت في سبيل الله. طب اللي اترحم من دي. لما يقف بين ايدين ربنا - 00:31:36
لما اكتشف ان الموت ده كان انسان يوصله لرضى الله. ان الموت ده كان طريقة ممكن لو عاش على طول كان ربنا يدي له حسن خاتمة يقابل ربنا بوسام شرف في العرض على الله. هيرفع راسه من ايدين ربنا ازاي؟ ازاي؟ قال تعالى ولا تقتلن - 00:31:56
انفسكم ان الله كان بكم رحيمها. ربنا ارحم مما تخيل. ان رحمة الله قريب من المحسنين. الامل سيدنا سيدنا يعقوب لما كل حاجة اسودت حواليه ويوفى اتاخد ابني اتاخد ده يعني الواحد يتخيلا ان اللي ابني اتقتل اسهل الف مرة - 00:32:16
اللي ابني اتسرق. اللي ابني مات اللي ابني وقع تحت عجل قطر اسهل مليار مرة من اللي انه اتسرق. ربنا يحفزنا جميعا يا رب ويحفز اولادنا جميعا. ويحفظ ونعز بالله من زوال نعمته وتحول عافيته. سيدنا يعقوب ابني بقى له تلاتين سنة مش عارف عنه حاجة. وابنه الثاني راح منه بنiamين في مصر. وولاده تقطعه جزء - 00:32:36

مصر وجزء عنده والدنيا سودا. والمجاعة وبيقول عسى الله ان يأتيني بهم جميعا عسى الله ان يأتيني. ييجوا لحد عندي. جميع انا عندي ظن في ربنا. ان كل مشاكل حياتي تتحل - 00:32:56
يا راجل! اي والله! ايوه اقسم بالله قادر يحلها كلها ويفرجها كلها. وكل كل المشاكل تتحل. اصلاح لي شأني كله. انا عايز كل حاجة اللهم اني اسألك من الخير كله. كله - 00:33:16

ما اطلبش كله ليه وربنا بيدي كله؟ ربنا ربنا خلى عباده الصالحين ملوك ووزراء ومخترعين عسكريين السما مطار الذهب على سيدنا ايوب. مطار الذهب على سيدنا ايوب. ادي لسليمان ملك لا ينفي لاحد من بعده. خلى داود - 00:33:36
يا عسكري وانقلوا الجبال وتطير في التسبيح معه. هو اللي بيروح ربنا ربنا بيسبيبه. هو اللي بيقبل على ربنا. هو اللي بيختار ربنا بيسبيبه. ده ربنا بيخليله قايم. زي ما ربنا قال في سورة الفتح. ولتكون اية للمؤمنين. ربنا بيخليل اللي يعبده ويخلصه - 00:33:56

اية قدام الدنيا كلها في العطاء. الطريق سهل. بس احنا مستعدين نتعب في الدنيا. ومش مستعدين نتعب مع ربنا. سبحان وتعالى مش مستعدين ما فيش كرب في الحياة اشد من اللي حصل لسيدنا يونس. واحد راكب سفينة وفجأة السفينة بتتقطط لازم نرمي حد. 00:34:16

هو طب تاني هو تالت هو يشيلوه من ايديه ورجليه يرموه في الماء. في الماء فين؟ ده في الخليج العربي. وفي بعض الاقوال الضعيفة بقى في البحر المتوسط خليج العرب واحد مرمي في المحيط. ده يروح فين ده؟ وهيفضل يعوم لحد فين ده؟ ده ضاع. مش بس كده قدام - 00:34:36

كلها يطلع حوت بقه تمانية الحوت الازرق ده بقه تمانية متر. يبلغه جو بطنه. ويأخذه في البلعوم لحد ما يستقر جو الحوت وسط الانزيمات الهاضمة ووسط انياب الحوت ووسط الزلمات ويأخذوا تلات ايام في قاع البحر ما فيش نقطة اكسجين. ده يعيش ازاي ده - 00:34:56

ده انتهى. ده مستحيل حد يعرف يعمل له حاجة ومستحيل يحصل له حاجة. ده بشرينا قضيته انتهت. سيدنا يونس لا انزر الى كل هزا سيدنا يونس يقعد تلت تيام يستغيس بالله تعرف تعاملهم؟ اقسم برب العزة لو عملتهم اقسم برب العزة ما يثبتت - 00:35:16 حياتهك كرب. اقسم بالله الا لو نوع من انواع الابتلاء بقى ربنا يعني عاين لك فيه حكمة عالية او اي او اي لان احيانا بعض الابتلاءات ربنا بيستليك بها عشان يصلح لك كل حاجة في حياتك اصلا. يعني ابتلاء سيدنا يوسف ده لو كان اخواته ما غاروش منه وحسدوه وحددوا عليه ورموه في الجب - 00:35:36

ما كانش بقى ملك. فاحيانا في ابتلاء بس ده مش الاصل. ده ده نوع. انما باتكلم على عموم انواع الابتلاء. اقسم بالله ما يسبت في حياة الكرب. جربت اصبر على باب ربنا تلات ايام. انت لو دخلت عملت عملية جراحية مش هتقعد تمام في السرير تصوت اقل من اسبوع. حتى لو ادوك مورفين. حتى لو ادوك رمضان - 00:35:56

ترامادول الصبح وبالليل. هتقعد تصوت ليل نهار اسبوع. انت لو هو اي في الدنيا ما فيش فيه تعب؟ سيدنا يونس قعد تلات تيام يصلي في بطن الحوت ويصرخ لله لا الله الا انت ايه؟ سبحانك! مش انت يا رب! انا المصيبة اللي انا فيها دي مش انت يا رب السبب فيها. مش انت - 00:36:16

فيما رب اللي اللي تعمل في عبده تسيب اني كنت من الظالمين. انا السبب. كل شيء بقدرك ولكن انا الوحش. مش انت يا رب اللي تتخلى على عبد دعا اليك. مش انت يا رب اللي تسيب عبد دعا اليك يحصل فيك كده. اومال اللي حصل لك ده ليه يا يونس انا اللي وحش. انا اللي سبت الدعوة - 00:36:36

انا اللي خرجت من قومي بدون ازنك. انا اللي زهقت من دعوة القومي ويأسست من ايمانهم وقلت اروح بلد تانية. انا اللي وحش يا رب انما انت سبحان تعرف تستغيس بالله كده؟ تعرف ربنا عمل له ايه؟ حول له الحوت غواصة بحرية. وحول له الليل نزهة بحرية. يسمع - 00:36:56

سبح الكائنات اللي في قاع البحر وامدنا عليه شجر من يخطي. وفتح عليه في الدعوة الى الله تاني. واقبل الناس عليه اعزم الف مرة من كده في الدعوة الى الله فتح عليه في الدنيا وفتح عليه في الدين وسامحه في الآخرة. كل ده ليه؟ لانه وقف على باب ربنا سبحانه وتعالى - 00:37:16

الامل النبي عليه الصلاة والسلام في الخندق عليه الصلاة والسلام. وهم الخندق طبعا ده جو يا جماعة. ده جو المدينة كلها تقتل. يعني الخندق ده مش غزوة كده احنا بنتكلم فيها ده عشر تلاف - 00:37:36

واحد جيش عرامرة من الجزيرة العربية عمرها ما شافته. جايين يدبحو الباردة المنورة دي كلها من اولها لآخرها كده. والنبي قعد يحفر والصحابة يحفروا صخرة ما فيش فايدة فيها. حاجة كده ايه! حاجة جلمود كده يضربوا الفؤوس ما فيش فايدة. راحوا للنبي عليه الصلاة والسلام. النبي عليه الصلاة والسلام - 00:37:50

بس الله كده ونزل ومسك الفأس وسمى باسم الله وضرب فصار تلت الصخرة كسيب اية كسيب اية يعني ايه الرمل اللي هو تمسكه

في ايدك كده يقع من ايدك من كتر ما هو ناعم ومش ماسك في بعضه. اتفرمت كانها اتضربت في الخلاط. هو ايه ده! ده ربنا بقى مش

النبي عليه الصلاة والسلام - 00:38:10

ده ربنا فقال النبي صلى الله عليه وسلم الله اكبر. اعطيت مفاتيح الشام. شام ايه يا رسول الله؟ ده احنا مش ده اللي واقفين كلهم محبوس عليهم البول خايفين يروروها يقضوا مولتهم. من الرعب اللي هم فيه. احسن حد منهم يتقتل ولا زالوا عايش. شم بعد كده -

00:38:30

النبي طرب بالفستان بسم الله. التلت الثاني اتفرم كتبابة فقال الله اكبر اعطيت مفاتيح العراق. وبعد كده ضرب التلت الثالث فقال الله اكبر اعطيت مفاتيح اليمن. شام وعراق ويمن. الصحابة بيتصوا للنبي كده. هم -

00:38:50

فيهم ناس واقفة ترتعش اصلا من الموقف اللي هم فيه من التلज اللي هم فيه ومن الجو اللي ما فيه. والمنافقين خدوها نكتة ماتوا على روحهم من الضحك. شاب ويمن فقالوا وقال بعضهم لبعض. ايعدنا محمد بما بقصور كسرى وقيصر. واحدنا لا يأمن ان يقضى -

00:39:10

ده انا عايز اروح الحمام مش عايز اروح الشام مش عارف. وسيدنا محمد بيقول لهم الشام وال العراق وفتحت الشام وفتحت العراق ففتحت اليمن. الامل. النبي عليه الصلاة والسلام كان بيعلم الصحابة الامل. النبي عليه الصلاة والسلام في رحلة الهجرة. خلاص قرب من المدينة. سراقة بن مالك. واحد شافهم -

00:39:30

راح لسراقة قال له بان محمد هو وصاحب اللي قاله بمبثت جمل اللي يقبض عليهم. قال له محمد مين؟ ده اتنين انا بعثهم. محمد مين يا عم انت مجنون ولا ايه -

00:39:50

اقعد بس اقعد واستنى لحد ما كله اتخر وقام طالع سراقة ابن مالك مسك فرس ما حصلش وطلع مية ناقه هتبقى باشا اطلع على وش الدنيا. هتخرج من الفقر اللي انت فيها سراقة. الاتنين اللي قريش بتدور عليهم بقوا في ايديك. وطلع يجري. النبي عليه الصلاة والسلام لا في ايده سيف -

00:40:00

ولا تحت منه فرس. النبي عليه الصلاة والسلام ما عهوش سيف لان هو كان خرج بسيف. كانوا عرفوا ان هو خارج يهاجر. ما فهمش حتى فرس. جايب جمال لانه لو -

00:40:20

شف بفرس كانت عارف ان اللي بيهرروا بسرعة هي معركة زكاء مش معركة سرعة. هي قضية زكاء قضية رحلة الهجرة دي ربنا اعتبرها نصر عسكري الا نتصروه فقد نصره الله. ربنا تحدى المسلمين كلهم. اصعب غزو في السيرة كلها غزوة الهجرة. ونجيتوا فيها ولا واحد -

00:40:30

كان واقف معه فيها غير ابو بكر الصديق. وربنا نزل الاية دي بعد تسع سنين من الهجرة. النبي عليه الصلاة والسلام لقى سراقة جاي من بعيد. ابو بكر يعمل ايه؟ خلاص -

00:40:50

صح وانتهينا. فقال النبي صلى الله عليه وسلم اللهم اكفينه بما شئت. النبي لا معه سيف ولا معه حاجة يرميها. هو ما معهوش غير اللهم اكفينه بما شئت. فساخط اقدام الفرس. الارض دي اللي يشوف الحنة اللي النبي حصل له موقف سراقة فيها ديت. متصرفة في مسouرات الهجرة في المكتبة النبوية. مكتبة المسجد النبوي. الارض -

00:41:00

اصلا ما ينفعش ان رجلين فرس تسيخ فيها. معجزة من الله سبحانه وتعالى. ارض جارية بيضاء كده صلبة. معجزة من الله. سراقة برضو ما فيش فايدة قام وحاول تاني فساخط اقدام الفرس. قام وحاول تالت فساخت اقدام الفرس. يقول سراقة فلعلت ان الرجل من نوع. لا لا لا ده فيه حاجة من فوق بقى. طب انا -

00:41:20

انا كنت جاي اخد مية ناقه. انا كده هارجع ايد ورا وايد قدام. ده انت كنت يا سراقة هتطلع على وش الدنيا. فقال يا محمد هو كان بيقول يا محمد عشان يقتله او يقبض عليه. الاية محمد لن اوذيك بشيء. ولكن ماذا ستعطيني؟ انا كانت قريش هتدينني ميت ناقه. انا دلوقتي -

00:41:40

خلاص مش هقرب منك. خلاص بس انت هتعمل لي ايه ويعده الرسول صلى الله عليه وسلم بسواري كسرى. سواري ايه؟ كسرى حاكم

الاتحاد السوفيتي هتاكد الاساور بتاعته اللي قاعد على العرش بتاعه بها. كسرى مين بس يا سيدنا محمد عليه الصلاة والسلام -

00:42:00

الله وحده يعلم ما كان في صدر سراقة وهو يسمع هزا الكلام من رسول الله صلى الله عليه وسلم. سواره كسرى على النبي يقول له هديك ميت دينار. ابعت لي تعال للمدينة وانا اديك ميت دينار مسلا. ولا متين درهم. سورة كسرى -

00:42:20

وتمر السنين ويموت النبي عليه الصلاة والسلام. ويجي ابو بكر خليفة ويموت ابو بكر رضي الله عنه وارضاه. ويجي سيدنا عمر ابن الخطاب وتفتح مدائن كسرى في عهد عمر ويقف عمر على منبر رسول الله صلى الله عليه وسلم بعد سنين طويلة من موقف سراقة. ليعرض على المسلمين كنوز -

00:42:40

كسرى وسوار الكسرى. ويقول لهم ان قوما ادوا هذا الى اميرهم لقوم خير. شوفوا المسلمين جايبيين كنوز شكلها ايه ويقف رجل كبير اسمه سراقة ابن مالك يقول له وعدني رسول الله بهذه الاساور. الرسول عليه الصلاة والسلام وعد بها. والدنيا كلها -

00:43:00

من التأثر ان سيدنا محمد صدق وعده عليه الصلاة والسلام. وسراقة قبل ان يموت اخس وراء كسرى. من عمر بن الخطاب رضي الله عنه وارضاه الامل. ربنا قادر. كل شيء في ايد ربنا. الشهر اللي احنا فيه بالزات. عاشوراء بيقول لك ما فيش يأس من حاجة. ده -

00:43:20

الضهر اللي ربنا تاب على ادم فيه. ده اليوم اللي ربنا نجى يونس من بطئ الحوت فيه. وخرج ده اليوم اللي ربنا رسى سفينه نوح على الجودي فيه ده اليوم اللي ربنا اهلك فرعون وانتقم من الزالمين فيه. ده اليوم اللي ربنا انتقم للحسين من اللي قتلوه في يوم عاشوراء فيه. واتقتلوا نفس القتلة. ده اليوم -

00:43:40

اللي ربنا نجى موسى وبني اسرائيل فيه. ما فيش واحد فيهم بس الماية ازته في حاجة. ده اليوم اللي ربنا ورانا المعجزات فيه. عشان نعرف من هو الله؟ ده اليوم في بداية السنة اللي ربنا بيجدد به قلوب الامة في الامل في الله. والثقة في الله وذكرهم بايام الله.

فكرهم -

يا محمد ربنا يقدر يعمل ايه؟ وربنا ياما عمل للصالحين ليه؟ خليكم صالحين تأخذوا مسل ما اخذ الصالحون. اقول قولي هذا واستغفر الله. الحمد لله وكفى وصلة وسلاما على عباده الذين اصطفى. اللهم لك الحمد كله وكل الملك كله وبيدك الخير كله وبالله يرجع الامر كله. اللهم صل على -

00:44:20

عبدك ونبيك محمد صلى الله عليه وسلم. في الاولين والاخرين وفي كل وقت وحين. اما بعد كل يوم هو في شأن. كل يوم هو في شأن يعني ايه كل يوم هو في شأن؟ يعني كل يوم هو في فرج. كل يوم هو في فتح. كل يوم هو في مدد. كل يوم مع طلعة كل شمس في -

00:44:40

امل ان ربنا يشفى لك مرضك. مع طلعة كل شمس في امل ان ربنا يغفي لك فقرك. مع طلعة كل شمس فيه امل ان ربنا يوظفك. مع طلعة كل شمس في امل ان ربنا يجوزك. مع طلعة كل شمس في امل ان ربنا يديك الزرية والولد. مع طلعة كل شمس. في امل ان ربنا -

00:45:00

في الدعوة والدين مع طلعة كل شمس في امل ان ربنا يذهب الاكتئاب والتوتر اللي جواك ويعافيتك ويخليك تضحك من قلب قلبك مع طلعة كل شمس. فيه امل في الله مع قال رسول الله صلى الله عليه وسلم ايقظوا صواحب الحجرات. صح حلو؟ صح -

00:45:20

امهات المؤمنين صعوا عائشة وحفصة وجويرية صحوهم ليه؟ مازا انزل الليلة من الخزائن؟ لو يشوفوا منز العطاءات المنهمة من خزائن الله. على اللي بيصلوا قبل الفجر مش هيجي لهم نوم. مع كل دخلة ليل. في امل ان ربنا يشفيك ويهديك -

00:45:40

اصلح بالك ويشفي حبائك ويديك شقة ويصلح لك احوالك ويفنيك. مع كل طلعة شمس ومع كل دخلة ليل. الامل في ربنا معقود. اللهم اني اسألك خير هذا اليوم فتح ونصرة ونوره. ايه الدعاء الجميل ده؟ فيما روی عن النبي -

00:46:00

اللهم اني اسألك خير هذه الليلة فتحها ونصرها ونورها وبركتها وهدتها. ايه ده؟ ده واحد واثق او اي. ده واحد مش في بطئ بطيخة صيفي. ده واحد واسق في ربنا قوي. شاب من الشباب كنت في القاهرة هنا في مشوار وسهرت لحد قبل الفجر. فيعني -

00:46:20

يعني كنا يعني في دعوة الى الله الا اوصلك المنصورة يعني كده ايه يعني لله يعني ايه اخوة كده وصلني المنصورة وهو في الطريق بيقول الكل بدأ يحكي لي قصته انه لم يكن هو موصلي ما شاء الله في عربية مرسيدس يعني. انه لم يكن يملك هي مش مرسيدس اخر موديل. بس مرسيدس - 00:46:40

انه لم يكن يملك في الدنيا شيء ولا معه يتتجاوز ولا ويبيص كده للشقق كده هو انا معقوله في يوم من الايام يبقى عندي شقة ولا عنده شغل ولا عنده حاجة - 00:47:00

قعد يحكي لي قصته نقطة نقطة. ازاي اول اسورة كده ربنا رزقها له حته اسورة دهب الله حته من الشبكة بقت معندي. انا ممكن الوقتي ان شاء الله لو حوشت عليها اتقدم لاي واحدة. قعد يحكي لي وهو بيبيص على شقة مساكين شعبية كده. هو انا ممكن اخد حته هنا حتى ايجار - 00:47:10

بيحكي لي ربنا فتح عليه بعد كده وتأجر في المدخل والعلس شوية حاجات كده. بيقول لي انا الوقتي دخلي بفضل ومنة الله ست سبع تلاف جنبيه في الشهر. دلوقتي بفضل الله - 00:47:30

بقى عندي شقة تمليك واتجوزت وجبت عفش وجبت شبكة. الامل في الله شاب بسيط ولكن يعني سبحان يا اخي دافع قدر الله بقدر الله. هو انت لو رميت نفسك تحت قطرة هيحصل ايه؟ يا عم ده انت لو قلت يا رب من قلبك ونزلت ربنا اقسم بالله ما - 00:47:40
سبك. والله ما هيتخلى عنك ابدا. خلاص انت كده بقىت في ولاية الله. احد الشباب اعرفه هو دلوقتي رجل اعمال بقى بيتاجر في حاجات كبيرة اللي لم يكن يملك شيء من حطام الدنيا هو من بلد قرية جنبنا كده جنب المنصورة. فقير جدا بيقول واحد وانا وانا بتقدم كده بقى لعروسة طب اجيب لها منين - 00:48:00

وتأتي بالله يعني بيقول واحد بيتصل بي صاحبي قال لي فيه واحد سعودي معه مش عارف تلاتين تأشيرة وعايز مش عارف كم واحد يسافر السعودية المهم بيقول دخلت في القصة دي ربنا فتح دلوقتي بقى رجل اعمال مكالمة يا اخوانا. ربنا قال هو كل واحد بقى له ترتيبه غير الله. يعني كل واحد مننا ربنا بيغنيه غير تاني - 00:48:20

وربنا بيشفيه ما نفذت كلمات الله. ربنا ما فيش وسائل بتحدد قدرته ومشيئته. ربنا قادر سبحانه وتعالى. القضية هنا احنا احنا واثقين في ربنا ولا لا؟ واثقين في الرجل اللي كان قاعد مع رجل اعمال الاثنين بيعملوا صفة مع بعض وما بيخلفش. سنين ما بيخلفش وقاعد مهموم هم السنين - 00:48:40

فلوس ما يجيش فلوس مهمومة. الرجل جايب ابنه معه وقعد يلعب به ويتنطط به. وفيه ناس يا اخي ربنا والعياز بالله لسانها ده سم ربنا جعل ابتلاءات حياتك انك انت تحتك بوحد لسانه بالمنزد ده. عشان ربنا بس جعلنا بعضكم بعض فتنة وتصبرون. قال له تعرف تجيب عيل زي ده؟ يعني في ناس يا اخي - 00:49:00

والله والله يعني حسبنا الله ونعم الوكيل. تعرف تجيب عيل زي ده؟ اجيب عيل زي ده؟ يعني اجيب عيل زي ده اجيبيه ازاي؟ بيقول نزل في الشارع مع تمسك ونزل قعد يعيط في الشارع ويعيط لربنا يا رب انا ما اقدرش بس انت تقدر. يا رب انا ما اقدرش بس انت بس انت تقدر ربنا اداها له - 00:49:20

في اسابيع كانت مراته حامل. ربنا يقدر سبحانه وتعالى. ربنا عنده شقق وعنه عراس وعنه موبايلات وعنه عربيات ربنا ازاي انت ما لك؟ هو يا عم انت اللي خلقت الكون ولا انت اللي خلقت نفسك؟ لما زكريا قال لمريم انى لك هزا منين بقى؟ فاكهة الشتا في صيف منين - 00:49:40

قالت له هو من عند الله. ما قالت لوش ازاي؟ قالت له منين؟ لان ربنا ما فيش ما عزهاش. انت توقن وتدعي ربنا وتصلاح اوبي وتصالحة اوبي وتنزل تطبق حديث النبي عليه الصلاة والسلام. احرص على ما ينفعك. واستعن بالله ولا تعجز. انزل شق في الصخر. لكش دعوة - 00:50:00

عبدالرحمن بن عوف قال زمنت اني لو رفعت حجرا لوجدت تحته زهبا. لقيت وزيفة! يا عم اقبلها! الشاب اللي على القهوة بيقول لي وانا هشتغل ليه! وانا مش عارف اجيب فلوس جوازي - 00:50:20

يا عم التاجر لما بينزل في السوق بيلالقي الف فرصة حط رجليك في السوق. اقبل اي حاجة يا عم اشتغل عشان ربنا يوديك الجنة. اشتغل عشان ما يجيكلش اكتئاب نفسي. عشان الاكتئاب ما يعيشش جواك. اشتغل عشان لما ترفع ايدك وتقول يا رب ربنا ما يقولش مين المتكول ده. ايه - 00:50:30

كل اللي عندك ده اشتغل يا عم عشان الشغل ده قيمة مقدسة في الاسلام اصلا. الشغل العرق ده الانبياء كلهم عرقوا في الشغل وفي الحرف المهنية سيدنا ادريس خيط وسيدنا زكريا نجار وسيدنا داود حداد وسيدنا محمد راعي غنم. راعي غنم عليه الصلاة والسلام - 00:50:50

انبياء كلهم تعبوا في الشغل وتبعوا عشان لقمة عيشهم. عليهم الصلاة والسلام. اشتغل عشان تبقى معهم في الجنة. اشتغل عشان الابد البطالة وحشة والايدي الخشنة من الشغل الله بيحبها من فوق سبع سماوات. اشتغل عشان العمل عبادة. اشتغل عشان لما تحط رجلك ربنا هيفتح لك الباب الاوسع - 00:51:10

بس وانت قاعد في بيتك يا تجي لي من السما كده متقشرة يا ما اناش جايب جون. خليك بقى قاعد مستني بقى يجي لك مطشرة. بقى كتير استنوا زيك كده - 00:51:30

ونهايتهم يا كانت انتحار يا كانت امراض نفسية. يا كانت انه عاش حياته كده بقى. غلبه كده. اشتغل لان ربنا قال لك اشتغل افة. يعني ايه شاب اول مرة يشتغل وهو عنده خمسة وعشرين سنة. ايه ده! يعني انت طلع لك شنب وانت في تالتة اعدادي - 00:51:40

وبشتغلتش غير بعد ما شنبك طلع بحوالى بحوالى خمستاشر سنة ولا اتناشر سنة اشتغل قال لأانا بدروس في الكلية ليه يا عم انت بتضحك على ايه ولا على نفسك ما انت عارف انك ممكن تدرس في الكلية ابن رئيس امريكا بيقف في بنزينه عشان يجيب مصاريف الكلية بتاعته. يا عم اشتغل - 00:52:00

حتى في الصيف اشتغل لان الشغل هو اللي هيفهمك الدنيا. هو اللي هيكرهك في الحياة. اخواني واحبابي في الله. عايزين حاجات كتير تتغير فيها. احنا مش جاهزين نموت. ما حدش يعجل بنفسه عن الله سبحانه وتعالى. ما حدش فيينا جاهز لاول ليلة في القبر يتسائل امتحان اليقين من ربك ومدينك. ما حدش فيينا يقينه جاهز انه يقف - 00:52:20

ايدين ربنا في العرض على الله وسريرته تبلى. ما فيش حد فيينا جاهز ان صحيفته تتطاير. وما فيش حد فيينا جاهز الوقت انه يعدي من على الصراط ربنا اللي هيختار لك هتعيش ازاي وهتموت ازاي. عيش كل حياتك انك تتجهز للقاء الله. لان دي اعظم مهمة. والدنيا - 00:52:40

ربنا اداك سنن واسباب تشتغل بها فيها. ما خدتش بها انت اللي هتخسر. لاني لن تجد لسنة الله تحويلا. ولن تجد لسنة الله عافينا اصلاح احوال امة محمد؟ اللهم قوي ايماننا. اللهم انا نسألك اليقين والمعافاة. اللهم انا نسألك اليقين والمعافاة. اللهم انا نسألك - 00:52:58

حسن الظن بك وصدق التوكل عليك. اللهم اصلاح احوالنا. اللهم اشف امراضنا. اللهم اؤدي عنا ديوننا. اللهم فرج اللهم عافنا في نفسياتنا. اللهم يا ربنا عافنا في اسماعنا وابصارنا. اللهم زدنا ولا تنقصنا. اللهم اكرمنا - 00:53:18

ولا تهوننا اللهم اعطنا ولا تحرمنا. اللهم اعطنا ولا تحرمنا. اللهم انا نسألك من اليقين ما تهون به علينا مصائب الدنيا. يا رب ارزقنا من اليقين ما تهون به علينا مصائب الدنيا. اللهم اغفر للمسلمين والمسلمات - 00:53:38
المؤمنين والمؤمنات الاحياء منهم والاموات. اللهم اغفر لعبادك اجمعين. واهدي عبادك اجمعين. واصلاح احوال امة حبيبك يا رب العالمين. اللهم اعد علينا المسجد الاقصى. اللهم اغث اهل سوريا. اللهم اغثنا يا ربنا. ربنا انا مغلوبون فانتصر. ربنا انا مغلوبون - 00:53:58

انتصر ربنا انا مغلوبون فانتصر. سبحانه الله وبحمدك. اشهد ان لا الله الا انت. استغفرك واتوب اليك - 00:54:18